

Blokem Ol Rabis Tingting

Deved mo Batseba—Haf 1

Ol advaes: Yu mekem eksasaes ya long wan ples we i kwaet. Taem yu ridim ol vas ya, yu traem pijarem se yu stap long taem ya we stori ya i hapen. Yu luk ol samting raonabaot. Haremsave filing blong ol man long stori ya. Yu tingbaot stori ya olsem se i stap hapen long fored blong yu.

Ol man long stori: Deved, Batseba, Uria, mo Joab

Ol bigfala poen: Deved i mekem wan bigfala sin mo i traem blong haedem sin ya.

1 TINGBAOT STORI.—Ridim 2Samuel 11:1-27.

Yu traem pijarem ples we Deved i stanap long hem, antap long ruf blong haos blong hem, mo ples we Batseba i stap swim long hem. Yu droem wan pija we i soemaot olsem wanem tufala ples ya i klosap long tufala.

Long taem ya, ?yu ting se fasin blong ol man long stori ya i olsem wanem?

Deved _____

Batseba _____

Uria _____

Joab _____

?Wanem filing we yu “harem” long voes blong Uria taem hem i stap toktok long Deved long vas 11? _____

2 TRAEM SAVE MOA.

?Long tingting blong yu, wanem i mekem se Joab i gat fol long ded blong Uria? (*Ridim bakegen vas 14-17.*) _____

?Yu ting se Batseba i gat fol long samting we i hapen? Sipos yes, yu eksplenem. (*Faenemaot: Ridim bakegen 2Samuel 11:4, mo Levitikas 20:10.*) _____

?Yu ting se, Deved i stap wea long taem ya we hem i luk Batseba? (*Ridim bakegen 2Samuel 11:1.*) _____

Baebol i talem se God bambae i mekem plante dedman oli laef bakegen. Long taem ya, Deved, Uria, Batseba mo Joab bambae oli gat plante samting blong tokbaot bitwin olgeta. _____

?Deved i brekem wanem loa, mo wanem panis hem i save kasem from? (Faenemaot: Ridim Eksodas 20:13, 14, 17; Jenesis 9:6; mo Dutronome 22:22.) _____

?From wanem yumi save talem se Deved i no obei long loa we i stap long Eksodas 20:15? _____

3 FOLEM SAMTING WE YU LANEM.

Raetemdaon ol samting we yu lanem long saed blong . . .

Fasin ya blong wantem tumas ol rabis fasin. (Jemes 1:14, 15) _____

Fasin ya blong no yusum gud tingting, mo obei long enikaen oda, nating se oli defren long ol loa blong God? _____

Samting we i save hapen long man we i mekem sin, nating se yu mo ol narafala i no faenemaot kwiktaem mastik blong hem? (*Ridim bakegen 2Samuel 11:27.*) _____


4 TINGBAOT OL KWESTIN YA.

?Wetaem nao tingting blong mi i save pulum mi blong lukluk wan samting we i save givim rabis filing long mi? _____

?Olsem wanem mi save lukaotgud blong no wantem ol samting we God i no laekem nating? _____

?Wanem impoten lesen we mi lanem long stori ya, mo from wanem? _____

Traem tingbaot: Yu raetem stori ya olsem wan nius. Yu mekem olsem se yu stap intaviu long ol man long stori ya, wetem ol man we oli luk, mo harem ol samting we i hapen.



Yu daonlodem PDF ya long www.jw.org